

La' Yee Dze Fee ?

Ku'un vesən ker la' kin kirə' ke vesən yon̄ ji la'. A tam la yi yo' a dzə e wiiwy moo simo'si, kin e navtin, a tam la yi yo' a ker vijun̄ moo simo'si, bo ku dzə la' fe vesən, a koŋ vesən du kiŋgan kin ghan du mee e fee, vesən lo a ku a ker kisher̄ri fe a kfən bam e la' ye dzəən ye vesən. A tam e ghan simo'si bo virə' vee fe vesən ki dzəən vi nja'kir e kun boŋ dzəə si niinin, bo yo' lo a dzə la' fe vesən, bi' bey ye vesən yee la' a men ku a jaŋ vesən e bam. Kinyo kimo'ki dzə sho kum la' ke ki lo ki waa yii vesən waa ker vijun̄ vee la' kun a yii vesən a yu ji dzə a kirə' ke vesən.

VESƏN DZƏ A ņGAA KIŊGAN FEN

Ji Nyuy suuy fe vesən jii, e nsay fen vesən dzə a ņgaa Kiŋgan kun a dzə a ghan yuv. (1 Peter 2:11; Heb. 11:13). La' se vesən e nsay fen, kin si dzə si bomin a dzə e dzəə yee le, bo si ku dzə a dzə e bam ghan simo'si, e bam shishar wun se lav si men ke' fe a wa'kir, si men kun ke' fe a shem, shwer e men ke' fe a nəə fe shuu si, e bam shi ntam wun lav e men ke' a kuuy, ji wee wee wun a ru ru la' sin si men ke' fe a gbukir. Lav yo' dzə sho e kitu ke nsay fen ye yi wiy go' viya la may, si dzə si dzəm a ku dzə e bam shi ntam a men yen a si



viŋəm. Leey fe a dzəən wun a viŋə' vidzəm a yen visəəm ve vi din fe wo jii kifa ki yo' dzə sho e kitu ke nsay fen ke ki yii li ntam; vidzəm vi shaashan, a la' se vesən si sho.

WIR DZƏM, AA FEN YEE LE, KER LA' YEE VIYA LA MAY

Vesən wir a dzəm, kin vesən ki, kin baa yo' ki, bo wir dzəm ker la' ye viya la may ye yi yo' wiy shaa. La' sin si dzə se vesən du sho e ghan se dzəəm yee nsay fen e mayini, e ghan se wun se vesən si siin e say. Viyoy vesən vi men du aawune la' si fe vesən yo' wiy a dze angaa kingan, a dzə fe vesən wiy a dzə viya la may. La' ye mo'on, a suuy fe vesən ji dzə kibanj ke vøy wun a menjanj me, fe nyam wun angaa ntum kimbo'ti e dzəən, a kun dzə fe a wiy tsənsi satan wun a wurdzəm wo yir rə yo' dzəən e ŋwa' dzəəm. (Rev. 20:10-15). E mvəm vøy wo wiiwiy vən, e mvəm nyar wun a tonnen lum fen, a wiy a yu toŋ wun a soŋ ye kvəsini; nshe'me wo wu dzəən e satan si, she' yasii ye yi fəə fe vibay ve bi vi shu, wiy tati fe yii e foo waa beeme kun a ker nyar e shaasin. Mindzən wun a səə yo' wiy a dzə fo, wir vee a wiy ma' nge' sin fe awune wiy a dzə fo la wir wumo' e mvəm nyar ye wiiwiyi e men a suuy fo vitu vevi jii aawune e baa kiy bo awune lo yuuri wun a shii sa'ka wo juŋ wo dzəən wo Jesus Kristu. Vøy wo ku'un vən, kirə' ke nə'si kin, kirə' ke a yoŋ ji vøy, wiy a dzə la' yev bi' fe: "Wir dzəm jay ni fe Nyuy si men a dzə ntam e da fe Nyuy vitaavi ve sə." (Rom. 3:23). Fen e dzə la' wir vee a li vikiy wir amo'o a (lum wir amo'o), wun a vee a suŋnin lam wo bii, wun a vee a ker a Nyuy amo'o, a vee a yii vinyo vee lii sem, a vee a ker viban aawune miliv, a vee a ker shii e vifa ve wir amo'o, a ŋгаа kimbo'ti. a mfoonono, a shoŋ, wir vee a yo' ker suuyru, vee angaa kinjvuri, vee a yuyri wiri, vee a tsəy ŋkum, ve dzəən a ŋгаа ngoy, vee a ker kinjo'or wun, vee a ker shii vifa vee nsay fen, vee a bemir amo'o kun a dzə la mindzən, vee a ker shii vifa ŋkoŋkoŋ wun a vee a ker koŋ mbam a vee a ker koŋ ye nsay wun a vifa vee nsay vi. (Galat. 5:19-21; Rev. 21:8). Kin ki dzə la' wir vee a tenin fo biime Taata Jesus Kristu moo Mfəər wov bey, vee a yo'oo siin a soon wun a Mense me Jesus me. "La ven yo' a bo'ti vitu ven; wir yo' yii jinər Nyuy. Wir ku wiy kav a dzə kifa ke wu wayin." (Galat. 6:7). Vifa ve vesən way e mvəm vinyo ve bi vi wun a mvəm jav, vesən wiy kav a dzə e vøy.

Tim shishar e leey mo ŋгаа vinyo ve bi vi du e la' fen, la' ye dzəən rə bi'fe wu yo'oo lo biime Mfəər. ŋгаа vinyo ve bi vi wo tavin nen a me' ghan se kpu e wun ve a wu si runen wun a fan kpuu. Kpu wiy ni e ghan se wu yo' lo a kwa'ti kun e ghan se wu yo' ki ker shii sho men tiy leey nyam rə e kwa'ti se bi si. Vijunj ve vinyo ve bi vi shaa ne a vila'ay ve vinyo ve bi vi ve vi beemi kun a dzə ŋkoŋkoŋ yi ker fe a dzə vi la'an. (Rom. 6:23). Mindzən me vøy me nen sum kiyoy kfə ke ki si ker fan e ŋaəŋəŋ. A tam e ghan simo'si wu waa ker shii fe a bunri, yo' dzə wu jumri Nyuy e keeri a bo yo' dzə wun Nyuy suŋnin. Ŋkar sə si ker fan fe a tim e wun ghaa kikun a bo yo' fəm dzə ntir sev se kisaŋ si kfən dzəə sə wun len gheey, a bo yo' dzə kav və, wo

wu keerin e ghan simo'si a dzə dzəə kinkuvri, wu sə kiyoy kfə, e yii e nyar ye yi dzəen e wun shiliv e yi rəsin, kin fe darir dzə'əm rə. A tam e ghan simo'si wu waa mum fe keeri kwa'ti yee kum Nyuy, bo bo yo' dzə kibay ki fo wun kiliŋ. Vifa ve wuu koŋ vidzəm e nsay fen, way vifii sho vi lo ne len a dzə mo vi she' wun shə'en a bo yo' dzə ŋkar rə yee moo wun yi waa ker vitaavi ve sə wun. Wu nen ke' fee a yen jii: "dzə lon wo bii fe li e Nyuy woo ŋгаа vitaavi bidzəm kitam." (Heb. 10:31). Wuu dzə ku kwa'ti ji wun Nyuy wiy mayir vinyo a fen dzə e kikon ke kpu, wu nen yen a ghan si shaani. Wir ansəki a nen ne lo a waa sasin a kpukir a bo yo' dzə kinto' ki fəəsin ke awune keeri Nyuy awune vikun ve kpu. Ki nen a boŋ jii vesən waa ta' Nyuy e ghan se a yen wun. (Isa. 55:6). Shaa fe a yuuri ji Nyuy ye yi fo rəsin, ŋгаа vinyo ve bi vi wo wu si kpu ven, wo wuu tenen ne grasia wun a koŋ Nyuyi e wun dzə'əm, wu si ker foo yu ji ŋгаа wo wu wiy tinen nsa'rə, Mfəər wo wuu sha'nen, suuy sho jii: "Lo fo fen, fo mo si, wo woo Nyuy ro'on ne! Lo fo fen e du e vey wo wu shwi ghan sidzəm la ndzəmen wo Nyuyi tonen e lem e satan wun a nsheelav sə si." (Matth. 25:41). "Wir dzəm ker fe wiy kpu, fe bam e Nyuy nen sa' nsa' rə." (Heb. 9:27).

VESƏN LEEY LEN LA' YE JUŋI

Vitsə' vi yo' dzə e la' fen, a bey a baa yo' wiy a ker shii e vika'ay kin dzə shuy, bi' fe Taata wiy a dzə fo. (Rev. 22:5). "Kifa ke wir yo'oo yii ne shov e si, kin yu e vitu'ur vi, kinyo ke bo wir yo'oo ghan kwa'ti jii a dzə ki kooy, dzə kifa ki wun ke Nyuyi ba'tin fe wir ve a koŋ wun." (1 Corinth. 2:9). Bo lam e yo' dzə sho e nsay fen wo dzə a naari mo vijun ve yuv vi dzəen, dzə kinyo a ki boŋ e ŋaanaŋ. Fen e dzə la' wir vee Mfəər yunen ne e bam. ŋгаа vinyo ve bi vi yo' wiy nəə fo, "a kifa ke ki ker lom ki yo' wiy nəə e mvəm la' fen, kin dzə wir wo wu yii vinyo ve vi ker woome, kin dzə kimbo'ti. Jo'si wir ve yir sev si dzəen si sanjin e wan Nyuy ŋwa' luŋ." (Rev. 21:27). Yo' dzə wir yun la' rən e mbam si kin lim kfəə lim yimo'o bo a ker. Yo' dzə a ko' dzəə fe baani, kin vinyo vimo'vi vee yii e lav bunri. Yo' dzə vifa vee shoon vi fo la' rən e wo. Dzəə dzə e mo'on a dzə Jesus. Wu suuy jii: "M dzə dzəə, suuyru, wun a dzə'əme; wir yo' dzə sho woo a dzə wu du mee fe Tar a bo wu yo' shaa fo mo." (John 14:6). Jesus sunŋnin fo vesən e mvəm John 14:2 kum la' ye wu ba'ti, a bey a la' yee yuv rən yi yo' dzə fe wir amo'o kun shaa ve vinyo vev ve bi vi vii siin vi sha'arsin, wun a vee a ker miliv wun a dzə'əm se ranensi. Ku'un men kun a dzə sa ve a lo a waa ma' ndzəy simo'si a kwa'ti ji si wiy li awune e du mee sho e woŋ wo yuv. ŋгаа, dzə shiliv shaa vifa vi dzəm she shi ker fee a dzə shi soon, a vesən kun ker fe a ker dzə'əm ye yi dzəen reŋ la yo' shilom, e laa yo' a jumri a dzə vinyo vee nsay.

Mo vesən yenen ne, jii vesən a dzəm e dzə wir vinyo ve bi vi fe Nyuy si kun sii du a dzə e vey, kinyo ki dzə ki mo'on kee yii: "a vesən lo dzə tunri a jay vesən fe Nyuy, wu wiy lem nka'mə və e yii kinyo ke reŋ ki: wu yii sha'ar vinyo vesən ve bi vi e kun su vesən fo vesən a jay." (1 John 1:9). Jesus e suuy jii: "M dzə fəə tim fe kpu

wun a dzə'əme. Wir wo wu ker biime fe mo wiy a dzə e tin, koŋ wu kpu; a wir wo wu dzəən e tin, ker biime fe mo yo' ghan kpu." (John 11:25,26). "Wir wo wu yu ji sem kfən biime fe wir wo wu tumen mo si ker dzə'əm ye la may, a bo yo' dzə wu dzəə wiy gbu nsa'. A bey wu tosin ne kpu e nəə dzə e dzə'əm." (John 5:24). Kpu yo' ker fan kin dzə nə'si fe wir wo wu foon ne dzə'əm rə fo Nyuy. "A laar ne kpu, yi yo' dzə ker kilin! Ee kpu, kilin ke ki bee? Ee kpu vitaavi ve ve a fo nyar sho vi bee? Beeri waa dzə fe Nyuy wo wu yiin vesən so bi' Taata wosən Jesus Kristu. (1 Corinth. 15:54-57). Wir wo wuu si dzə kun ghan wun Nyuy yo' fan kpu. Ghan sə se du (kpu) si gheeni, wu waa du wun a kishə'ri ki, mo Paul woo ngaa ntum Jesus Kristu suuyi: "M ker shii e ŋaŋin fo ma'ti dzə'əm rən a dzə ver Kristu, ke dzəən kinyo ke ki shaan vinyo vidzəm." (Philip. 1:23). Wir wo wu foone dzə'əm rə fo Nyuy yii ker shii fo yen si Jesus wo wu kpuun bi' wun e kintam. Kiyoy ke ranen ki lo sa wu waa kuume ji se Jesus fo wun: "La shiliv she shi yo' a fan kun a yaŋri. Biime Nyuy e kun biime sa mo. Virə' vi dzə e Tar wom lav vinin. M yii du e naŋsin kirə', bam kee shooy e m wiy li wo a wiy e mo ghaŋ bi' bey a wiy a dzə fo m dzəən." (John 14:1-4).

Len vən, vesən tiim shishar e leey moo wir wo wu foone dzə'əm rə fo Nyuy du e wun la'. Shaa foo a dzə kpu ye yi ker fan e ŋaŋaŋ, Nshiyav Nyuy (ngaa ntum Nyuy) a yen mo wu tiy shiy fe li kiyoy kfə e kfən sho e bam fe Nyuy. Shiliv wun a kiyoy ki javsin ne fe kimfey ke wun e tosin kay yee dzəə yuv, a du e mvəm koy se wir wo wu kpuun fe wun. Səəsi ye yi ker kishə'ri e shiy wun e Nyuy si, fo Taata wun Tar sha'ti wun e ji se buri sin si: "A yii kijun feyi ngaa wom lim wo jun wun a wo suuyru! Wiy ri nəə e keeri ye ye mbiv e mo vijun. (Matth. 25:21). Satan yo' dzəə ker vitaavi fe wun gheey, bi' fe, "Kishə'ri ki dzə fo wir vee ke' fo len e kpu e Taata mvəm lim! Awune wiy yu vijun ve meeme fe awune lim ye ŋaŋ bi' fe vinyo ve vi fəəsin fe awune lim vi du wun awune." (Rev. 14:13). Woo yi len mo wan wo wu le'en fo tar wov a, wo wu duun ntam e da fe awune la', e yen dzə'əm mindzən ye wu ker i wun a shii ve e suuy jii: "M yi lo a du e yen tar wom." (Luke 15:18). Ma'ti dzə'əm ye len vən e Jesus, yi ke shooy ki len fo a dzəən; gbu tsəm ŋkoŋ se si e tunri fe Nyuy jii a dzə a ngaa vinyo ve bi vi e men lon wun jii wu su wo e wun mvəm mənə me juujun me, e men biime wun e wo mvəm dzə'əm, mo a yii ke shoon, bin ndzəm ye fo satan wun a fo dzəə ye yi du e vəy e men ke' fo a ghan e dzəə ye yi du e wo la' ye yuv.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)